



Vogošća, ul. Jošanička, br. 80; tel: 00387 33 586 413, fax: 586 418

Broj: 07-11-862/20
Vogošća, 26.06.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 26.06.2020. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA REGULACIJI I UREĐENJU
JOŠANIČKOG POTOKA U NASELJU GORNJA JOŠANICA I

Član 1.

Ponuda ponuđača "Termo-beton" d.o.o Breza, ulica Potkraj bb. Breza, odabrana je za izvođenje radova na regulaciji i uređenju Jošaničkog potoka u naselju Gornja Jošanica I, kao prvoplasirana na Rang listi, sa ponuđenom ukupnom cijenom nabavke u iznosu od 446.000,00 KM bez uračunatog PDV-a, odnosno 521.820,00 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 29.05.2020. godine donio Odluku o pokretanju Otvorenog postupka nabavke radova na regulaciji i uređenju Jošaničkog potoka u naselju Gornja Jošanica I, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 29.05.2020. godine pod brojem: 1353-1-3-95-3-80/20.

Sažetak Obavještenja o nabavci objavljen je u "Službenom glasniku BiH" broj: 31/20 od 05.06.2020. godine.

Tendersku dokumentaciju sa Portala javnih nabavki BiH je preuzelo 25 (dvadeset i pet) ponuđača.

Krajnji rok za dostavu ponuda bio je 22.06.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 22.06.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-862/20 iz maja 2020. godine i Izmjeni TD broj: 07-11-862/20 iz juna 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 6 (šest) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Špic beton" d.o.o. Zenica	539.990,40	/	/	631.788,77
2	"MGBH" d.o.o. Sarajevo	496.263,59	/	/	580.628,40
3	"Gradnja 1" d.o.o. Tešanj	499.997,38	/	/	584.996,93
4	"Termo-beton" d.o.o. Breza	527.864,79	/	/	617.601,81
5	"Bucomerc" d.o.o. Kiseljak i "T.W.I." d.o.o. Kiseljak	711.766,03	/	/	832.766,26
6	"Mibral" d.o.o. Sarajevo	498.274,38	/	/	582.981,03

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Špic Beton" d.o.o. Zenica ne ispunjava formalno-pravne uslove tražene Tenderskom dokumentacijom i to:
- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama).

Tačkom 7.4.2. pod b) TD je pored ostalih zahtjeva traženo da se kao dokazi za 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama) dostave Diplome/Svjedočanstva o završenoj traženoj stručnoj spremi i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Špic Beton" d.o.o. Zenica je u svojoj Ponudi (strana 52.-56. Ponude) kao dokaz za traženo dostavio dokaze za Eldara Bojića, rukovaoca građevinskih i pretovarnih mašina.

Međutim, ponuđač "Špic Beton" d.o.o. Zenica je propustio da dostavi dokaze za drugog rukovaoca građevinskim mašinama, zahtjevanim tačkom 7.4.1. pod b) TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- II. Ponuda ponuđača "Gradnja 1" d.o.o. Tešanj ne ispunjava formalno-pravne uslove tražene Tenderskom dokumentacijom i to:
- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da

ponuđač između ostalog ima na raspolaganju i 1 (jedno) lice, SSS ili VŠS građevinske struke-III ili V stepen, smjer armirač (KV ili VKV armirač).

Tačkom 7.4.2. pod b) TD je pored ostalih zahtjeva traženo da se kao dokazi za 1 (jedno) lice, SSS ili VŠS građevinske struke-III ili V stepen, smjer armirač (KV ili VKV armirač) dostave Diploma/Svjedočanstvo o završenoj traženoj stručnoj spremi i dokaz o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Gradnja 1" d.o.o. Tešanj je u svojoj Ponudi (strana 59. Ponude) kao dokaz za traženo dostavio Uvjerenje o osposobljenosti broj: 3139/A od 30.10.2008. godine, izdato od "Suvremenog učilišta" Split, kojom se dokazuje da je Mehmed Mulahusić završio program osposobljavanja za armirača u trajanju od 120 sati i da je osposobljen za obavljanje poslova armirača.

Uvažavajući dostavljeno, Komisija za javne nabavke cijeni da je ponuđač "Gradnja 1" d.o.o. Tešanj dostavljanjem prethodno pomenutog Uvjerenja o osposobljenosti propustio da dostavi dokaz tražen tačkom 7.4.2. pod b) TD, a kojom je kao dokaz jasno zahtjevana Diploma/Svjedočanstvo o završenoj traženoj stručnoj spremi i dokaz o radnom angažmanu.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "MGBH" d.o.o. Sarajevo,
- "Termo-beton" d.o.o. Breza,
- "Bucomerc" d.o.o. Kiseljak i "T.W.I" d.o.o. Kiseljak (Grupa ponuđača) i
- "Mibral" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16) i Odlukom o izmjenama i dopunama odluke o obaveznoj primjeni preferencijalnog tretmana domaćeg ("Službeni glasnik BiH" broj: 54/19).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2020. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili

cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 26.06.2020. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 26.06.2020. godine, Komisija za javne nabavke je sačinila sljedeću Rang listu u Otvorenom postupku nabavke radova na regulaciji i uređenju Jošaničkog potoka u naselju Gornja Jošanica I kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Termo-beton" d.o.o. Breza	446.000,00	521.820,00
2	"MGBH" d.o.o. Sarajevo	446.637,23	522.565,56
3	"Mibral" d.o.o. Sarajevo	460.000,00	538.200,00
4	"Bucomerc" d.o.o. Kiseljak i "T.W.I" d.o.o. Kiseljak	711.766,03	832.766,26

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Termo-beton" d.o.o. Breza, za izvođenje radova na regulaciji i uređenju Jošaničkog potoka u naselju Gornja Jošanica I, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 446.000,00 KM bez uračunatog PDV-a, odnosno 521.820,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Špic beton" d.o.o. Zenica 032/456-147
2. "MGBH" d.o.o. Sarajevo 033/763-110
3. "Gradnja 1" d.o.o. Tešanj 032/866-910
4. "Termo-beton" d.o.o. Breza 032/789-051
5. "Bucomerc" d.o.o. Kiseljak 030/876-248
6. "Mibral" d.o.o. Sarajevo 033/656-680
7. Nadležnoj Službi
8. U dosije
9. a/a



OPĆINSKI NAČELNIK

Edin Smajić
Edin Smajić